



[Back](#)

# KA NA'I AUPUNI.

O ka inoa keia a makou i lawe mai ai a kaha iho i mapuana hiwahiwa no keia wahaolelo hou o ka lahui. He inoa ihiihi keia, a he inoa hoi i paha me na maawe manao ano nui pili i ko ke kānaka Hawaii noho ana aupuni.

O ka **Moi Kamehameha I**, 'ka mea nona keia inoa. Ua pili pono hoi keia inoa i ka hana i lawelawe a e ia a hui-lokahi ai ka lahui mai Hawaii a Kauai iloko o ke apo o ka nohona lahui Hawaii. Ua na'i ua lani alii nei i pono no

keia lahui kanaka, i hoopauia ai na nohona maokioki a ku kaawale ana o kela puulu a me keia puulu o na kanaka Hawaii, malalo o ko lakou mau moi aimoku iho.

Manuli o keia mau hana kama-lao a **Kamehameha**, ua hooliloia o Hawaii lahui i hookahi ma ka nohana aupuni a nohona lahui hoi. Ua hala o **Kamehameha**, aka, o na mano a ka lahuikanaka i hoolokahiia ai e kona puuwai koa a wiwo ole hoi, eia no ia ke ola nei a ke puka nei no i keia wa, aole i pau. Ua pau ka **Kamehameha** mau hakoko ana me kana mau ihe laumeki—ua pau kana oniu ana i kana pololu—ua hoomaha i ka moe-kau a hooilo kana mau

hooikaika ana: a o ka hana i keia  
wa, ua ili iho fa maluna o ka lahui  
Hawaii o keia mau la e nee nei.  
Na ka lahui o keia wa e na'i i au-  
puni no lakou—na ka lahui o nei  
manawa e hako i nohona no la-  
kou—a na lakou no hoi e paio aku  
aole na na ihe laumeki, aole hoi  
me na polou a na koa a Ka Na'i  
AUPUNI i hale aku, aka, me na  
manao kupaa o ka hele ana me na  
balota ma na kau koho balota e  
hooa mai ana, no ke kukulu ana i  
aupuni a i home noho no lakou.

This article has been automatically clipped from the Ka Na'i Aupuni 27 November 1905, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).